



CONVENIO PARA CONCESIÓN DUNHA SUBVENCIÓN DIRECTA ENTRE A AXENCIA GALEGA DE DESENVOLVEMENTO RURAL E O CONCELLO VEDRA PARA O PROXECTO SENLLEIRO DE ACONDICIONAMENTO INTERIOR DUN OBRADOIRO COMPARTIDO PARA A ELABORACIÓN DE PRODUTOS AGRÍCOLAS EN SAN MAMEDE, DENTRO DA CATEGORÍA DE "PROMOCIÓN E POSTA EN VALOR DA VIDA SOCIAL, CULTURAL E EDUCATIVA DA COMARCA".

Santiago de Compostela, na data da sinatura electrónica.

REUNIDOS

Dunha parte, Dna. María José Gómez Rodríguez, conselleira do Medio Rural, en virtude do seu nomeamento polo Decreto 44/2024, do 14 de abril, polo que se nomean os titulares das consellerías da Xunta de Galicia (DOG núm. 73, do 14 de abril), na súa condición de presidenta da Axencia Galega de Desenvolvemento Rural, CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Agader do 21 de xullo de 2021 (DOG núm. 148, do 4 de agosto).

Doutra parte, D. Carlos Martínez Carrillo, na súa condición de alcalde do Concello de Vedra, CIF P1509000D, segundo o disposto no artigo 61 da Lei 5/1997, da administración local de Galicia, do artigo 21 da Lei 7/1985, do 2 de abril, reguladora das bases do réxime local, e do artigo 24 do Real decreto legislativo 781/1986, do 18 de abril, do texto refundido das disposicións legais vixentes en materia de réxime local.

Ámbalas partes teñen plena capacidade para levar adiante este convenio e,





EXPOÑEN

Primeiro.- Que ambas entidades son conscientes da necesidade de favorecer as condicións do entorno rural para a mellora da calidade de vida da poboación. Poder contar cunha adecuada oferta no ámbito do ocio, do deporte, da cultura, e/ou nos sectores produtivos, así como cunha boa gama de servizos básicos é fundamental para acadar unha mellora das condicións de socialización e interrelación das parroquias rurais de Galicia. Todo isto, dende a premisa principal de garantir a existencia das infraestruturas básicas e de mellorar a estrutura do territorio para poder fixar a poboación do rural galego.

Segundo.- Que a Axencia Galega de Desenvolvemento Rural creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 a Axencia ten a consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia Galega de Desenvolvemento Rural está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia quere promover e poñer en valor no ámbito rural galego o patrimonio histórico, a recuperación da terra agraria, a vida social, cultural e educativa, a contorna natural e os produtos agrícolas, xa que as actuacións sobre os ditos ámbitos contribúen a mellorar a calidade de vida e a cohesionar a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.

A Axencia, no marco das súas competencias e dentro das súas accións estratéxicas, ven apoiando, mediante axudas directas a través de convenios, baixo a denominación de "proxectos senlleiros", diversas actuacións por entender que concorren nelas as





características de especial relevancia para o desenvolvemento rural que as fan merecedoras de apoio económico.

Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia Galega de Desenvolvemento Rural aprobou o Acordo polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros (https://agader.xunta.gal/sites/w_pagade/files/documentacion/acordos/2022_04_28_acordo_proxectossenlleiros.pdf), modificado por acordo do 7 de novembro de 2022 do Consello de Dirección da Axencia Galega de Desenvolvemento Rural polo que se modifica a regra 4ª "Entidades beneficiarias dos proxectos senlleiros" onde se engade como entidade beneficiaria dos proxectos senlleiros as Comunidades de montes veciñais en man común (punto 4.2 do Acordo) (https://agader.xunta.gal/sites/w_pagade/files/documentacion/acordos/2022_11_7_certificadosenlleiros.pdf). As regras deste Acordo conceptúan como proxectos senlleiros as actuacións sobre elementos e realidades merecedores dun recoñecemento especial, pola súa capacidade para contribuír á conservación de dúas finalidades esenciais: Mellorar a calidade de vida da poboación e promover a fixación desta nas áreas rurais.

Terceiro.- Nos termos previstos na Lei 7/1985, do 2 de abril, de bases do réxime local, o Concello de Vedra para a xestión dos seus intereses e no ámbito das súas competencias, promove actividades e prestar os servizos públicos que contribúen a satisfacer as necesidades e aspiracións da comunidade veciñal. No ámbito destas competencias, desenvolve todas aquelas funcións que favorezan o desenvolvemento da súa contorna. Por outro lado, o Concello de Vedra, como entidade máxima da representación do seu territorio debe de ser unha entidade referente na potenciación de actuacións que favorezan ese desenvolvemento.

O 20 de febreiro de 2024 o concello presentou unha solicitude de colaboración, para a execución das obras de que se trata para o financiamento dun proxecto senlleiro dentro da categoría "Promoción e posta valor da vida social, cultural e educativa da comarca da comarca".

Xunto ca solicitude achegou unha memoria técnica onde se propón o acondicionamento interior dun obradoiro compartido para a elaboración de produtos agrícolas en San Mamede. O principal obxectivo destas actuacións é a procura da rendabilización do local social que supón un valor patrimonial por ter un marcado significado social e cultural na contorna na que se sitúan, co fin de destinalos a un uso público que satisfaga as necesidades da veciñanza co fin de mellorar a calidade de vida da poboación que reside nesa parroquia e contribuír a fixar a poboación dese núcleo rural.

Por medio do obradoiro poranse en valor os produtos agrícolas da comarca característicos dun ámbito territorial rural incentivando súa fabricación.





En consecuencia, as citadas actuacións teñen cabida no Programa de proxectos senlleiros da Axencia Galega de Desenvolvemento Rural, xa que, conforme ao citado Acordo do 20 de abril de 2022 do seu Consello de Dirección, contribúe a cohesionar a vida social no medio rural e a estimular o arraigamento da poboación sobre o territorio no que habita nel mediante a consecución dos seguintes obxectivos:

- Promoción dos produtos e a actividade agraria da zona.
- Dinamización da vida socioeconómica da zona.
- Mellora da relación social dos veciños.
- Revalorización de infraestruturas.
- Xeración de riqueza e emprego.
- Satisfacción de necesidades e aspiracións da veciñanza.
- Fortalecemento do orgullo e satisfacción de pertenza á comunidade rural beneficiaria do proxecto.

Cuarto.- De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrència pública para a realización desta actuación. A creación dun obradoiro determina a relación social así como a vitalidade económica dunha zona, sen dúbida uns dos alicerces nos cales se deben soste as políticas de fixación de poboación durante os vindeiros anos. O obradoiro constitúe un elemento determinante para a cohesión e integración social e é esencial para configurar unha identidade propia, actividades singulares e culturalmente diversas.

A singularidade do proxecto do Concello de Vedra reside na promoción e posta en valor da vida social, cultural e educativa da comarca por medio dun obradoiro no local que se configura como un espazo de relación veciñal, como catalizador da poboación do concello e constitúe un lugar de encontro e relación veciñal que incentiva o desenvolvemento da comarca.

A subvención directa decídese en base a criterios obxectivos, que foron fixados mediante o Acordo do Consello de Dirección de Agader do 20 de abril de 2022 polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros. En concreto, na regra 3.-Categorías de proxectos senlleiros, sinala que os proxectos financiados a través do programa deberán pertencer a algunha das categorías seguintes:

C) Promoción e posta en valor da vida social, cultural e educativa da comarca:

- a. Realizar a rehabilitación, reconstrución ou recuperación de edificacións, infraestruturas ou espazos públicos singulares, por teren un marcado significado social, cultural ou educativo para a comarca na que se sitúan, co fin de destinalos a un uso público compatible cos seus elementos e características.





- b. (...)
- c. Realizar obras de mellora, reforma e reparación de infraestruturas e instalacións, así como o seu equipamento, destinadas a satisfacer as necesidades da veciñanza.

Por outra parte, o citado Acordo do 20 de abril de 2022 sinala como posibles entidades beneficiarias das axudas para os proxectos senlleiros as seguintes entidades públicas ou privadas sen ánimo de lucro que realicen actividades en beneficio da poboación do rural galego: Concellos

Por último, o Acordo do 20 de abril de 2022 tamén sinala que o ámbito territorial de execución dos proxectos senlleiros será o todo territorio da Comunidade Autónoma de Galicia, agás:

- a. Nas provincias da Coruña e de Pontevedra, as entidades singulares de poboación (unidades de poboación) que superen os 6.000 habitantes.
- b. Nas provincias de Lugo e de Ourense, as entidades singulares de poboación (unidades de poboación) que superen os 10.000 habitantes.
- c. Os termos municipais dos concellos de Vigo e da Coruña, tendo en conta que todo o territorio de ditos concellos ten un alto grao de influencia urbana, derivada da presenza das dúas cidades galegas máis grandes.
- d. Os parques empresariais situados no territorio dos concellos de Ourense, Santiago de Compostela, Lugo, Ferrol e Pontevedra.

Polo exposto, o proxecto presentado polo concello de acondicionamento exterior do mercado municipal dentro da categoría "Promoción e posta en valor da vida social, cultural e educativa da comarca", cumpre cos criterios obxectivos e subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

En consecuencia, as partes, asinan este convenio para a concesión dunha subvención directa, de acordo coas seguintes

CLÁUSULAS

PRIMEIRA.- Obxecto e actuacións

O obxecto do presente convenio é o financiamento do proxecto presentado polo Concello de Vedra para o acondicionamento interior dun obradoiro compartido para a elaboración de produtos agrícolas en San Mamede encádrase na categoría promoción e posta en valor da vida social, cultural e educativa da comarca dentro do Programa de Proxectos Senlleiros da Axencia Galega de Desenvolvemento Rural.





SEGUNDA.- Actuacións a realizar

As actuacións a realizar son as que se relacionan no proxecto presentado polo concello que consisten no acondicionamento deste espazo como obradoiro compartido para a elaboración de produtos agrícolas en San Mamede.

A planta primeira disporá de aseo adaptado así como un espazo destinado ao aproveitamento e comercialización de excedentes de produción procedentes da industria agroalimentaria. Este tipo de centro pretende resolver unha necesidade de primeira transformación de produto moi leve (limpeza e envasado de produto ao baleiro) que non se pode resolver actualmente doutra maneira que non sexa a construción dunha nave en chan industrial e o correspondente e longo proceso de tramitación. Trátase por tanto dunha especie de viveiro de empresas de pequeno tamaño, un punto de inicio onde se pon ao dispor do usuario unha serie de medios para o aproveitamento e valorización de produtos e excedentes que doutra maneira converteríanse irremediabilmente en refugallos.

O espazo destinado a obradoiro atópase actualmente acondicionado para recibir o amoblamento necesario, a falta de pequenas actuacións de alicatado, pequenas adaptacións nas instalacións eléctrica, de fontanería e saneamento para recibir o mobiliario proposto para o traballo do obradoiro.

O proxecto supón o segundo paso para proceder ao amoblamento do mesmo e poder iniciar a actividade. O mobiliario expónse en aceiro inoxidable para permitir o seu uso e limpeza posterior. Prevese a instalación dunha zona de lavado e de envasado con tres placas de vitrocerámica e un sistema de extracción de fumes a cuberta. O resto do mobiliario consistirá en mesas de traballo de aceiro inoxidable movibles e configurables segundo as necesidades de cada usuario do obradoiro.

Ao abeiro do presente convenio considéranse actuacións subvencionables os investimentos e gastos realizados polo beneficiario que se detallan no Anexo I "Orzamento desglosado e descrición por partidas" de este convenio e cumplan as condicións que se detallan na memoria técnica presentada.

TERCEIRA.- Obrigas do Concello de Vedra

O Concello de Vedra comprométese a facer constar en toda a publicidade -tanto impresa como audiovisual- a colaboración da Agader e a Xunta de Galicia, para o que utilizará a normativa da imaxe corporativa da propia da Agader. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opoña á lexislación anterior. Con carácter supletorio, será de





aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.

O beneficiario deberá dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

O beneficiario ten a obriga de prestar colaboración e facilitar tanta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Tribunal de Contas e ao Consello de Contas.

Segundo o establecido no artigo 4 do Decreto 193/2011, polo que se regulan especialidades nas subvencións ás entidades locais galegas, é necesario que o Concello de Vedra cumpra co deber de remisión ao Consello de Contas das contas xerais de cada exercicio

O Concello de Vedra deberá presentar declaración responsable, para proceder á sinatura do convenio e despois para o seu pagamento, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.

A sinatura deste convenio implica, de ser o caso, a autorización á Axencia para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

Así mesmo, o concello comprométese a destinar os fondos percibidos ao obxecto concreto para o que foron concedidos, polo menos durante un período mínimo de 5 anos sempre e cando se trate de bens inventariables. Agader poderá comprobar, cando o considere pertinente, a execución das actividades obxecto deste convenio.

CUARTA.- Financiamento

O gasto total das actuacións do proxecto para o acondicionamento interior dun obradoiro compartido para a elaboración de produtos agrícolas en San Mamede, a desenvolver polo beneficiario no marco deste convenio, de acordo co orzamento previsto no proxecto,





ascende a trinta e seis mil douscentos noventa e nove euros con noventa céntimos (36.299,90 €), para o período 2024.

Para o desenvolvemento desas actuacións, a Axencia Galega de Desenvolvemento Rural concede ao Concello de Vedra unha subvención directa a fondo perdido por un importe de 36.299,90 euros, para a anualidade 2024.

A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para o ano 2024, a través dos mecanismos previstos no ordenamento xurídico, que inclúen o cumprimento por parte do beneficiario dos requisitos legais para ser beneficiario.

Aplicación orzamentaria 14.A1.712A.760.0 dos orzamentos xerais da Comunidade Autónoma de Galicia para o ano 2024, código de proxecto 2017-00003.-"Actuacións senlleiras de mellora do patrimonio rural".		TOTAL
Importe	2024	36.299,90 €
	36.299,90 €	

Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia Galega de Desenvolvemento Rural, que poderá recorrer, se o considera necesario, a o apoio de expertos externos.

Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do Decreto 193/2011, do 6 de outubro, pola que se regulan especialidades nas subvencións ás entidades locais galegas, a Axencia Galega de Desenvolvemento Rural





poderá efectuar pagos anticipados, que suporán a entrega de fondos con carácter previo á xustificación, ata un importe máximo do 50% da cantidade total subvencionada. Este anticipo non poderá superar o importe previsto para cada anualidade. A concesión do anticipo farase mediante resolución motivada.

O pagamento restante realizarase no momento da completa xustificación polo concello do cumprimento da finalidade e demais condicións establecidas no convenio.

O Concello de Vedra tamén poderá solicitar pagos á conta, conforme ao artigo 62 do Regulamento da Lei de subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, 29.039,92 €.

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados; non obstante, segundo o apartado 4 do devandito artigo, exonera de constitución de garantía, entre outros, as administracións públicas.

No caso de que o concello solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

QUINTA.- Xustificación dos gastos

O beneficiario xustificará ante a Axencia Galega de Desenvolvemento Rural a realización das actuacións por un importe total previsto de 36.299,90 € IVE incluído.

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño, e de acordo co previsto no Decreto 193/2011, do 6 de outubro, polo que se regulan especialidades en subvencións ás entidades locais galegas. A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% rematará o 15.11.2024 sen prexuízo de que as actividades subvencionadas sexan as executadas a partires do 01 de xaneiro de 2024.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.





A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>, e incluírá a seguinte documentación:

- Certificación expedida pola Secretaría da entidade co visto e prace da persoa titular da alcaldía, relativa á aprobación polo órgano competente da conta xustificativa da subvención, na que se faga constar de forma detallada:
 - O cumprimento da finalidade da subvención.
 - Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acreedor/a, número de factura ou documento equivalente, importe, data de emisión e data de recoñecemento da obriga polo órgano competente.
- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.
- Certificación ou informe da persoa titular da Secretaría ou da Intervención da entidade local ou, de ser o caso, do/da empregado/a público/a que, de acordo coa estrutura organizativa do concello, teña atribuída as competencias en materia de contratación pública, acreditativo de que o procedemento de contratación se tramitou nos termos previstos na normativa de contratación do sector público, e con indicación do procedemento seguido para a contratación das obras subvencionadas.
- Facturas expedidas polas empresas adjudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez xurídica que permita a acreditación do cumprimento da finalidade da subvención.
- Declaración que conteña unha relación detallada doutras subvenciones, axudas, ingresos o recursos que financien as actividades subvencionadas, así como a modificación das circunstancias que fundamentaran a concesión da subvención.
- Permisos, licenzas e autorizacións que resulten preceptivos segundo a lexislación vixente.
- Acta de recepción.
- Aclaracións ou informes relativos á xustificación do investimento que o órgano xestor considere convenientes.





A presentación desta información é requisito imprescindible para a tramitación do pagamento, e devolverase toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia.

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, de 13 de xuño, de Subvencións de Galicia e na Lei 9/2017, de 8 de novembro, de contratos do sector público.

No caso de que o Concello de Vedra non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

SEXTA.- Compromiso de participación das mulleres.

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.

SÉTIMA.- Causas de resolución

O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando conorra algunha das causas previstas no artigo 33 da Lei 9/2007, de 13 de xuño, de subvencións de Galicia.

OITAVA.- Publicidade

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.





Así mesmo, o Concello de Vedra acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

NOVENA.- Xurisdición

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia, e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións. Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.

DÉCIMA.- Vixencia

O período de vixencia deste convenio será dende a súa sinatura e ata o 15 de novembro de 2024, sen prexuízo de que as actividades subvencionadas sexan as executadas a partires do 01 de xaneiro de 2024.

DÉCIMO PRIMEIRA.- Comisión de seguimento

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado polo Concello de Vedra e un representante designado pola Axencia Galega de Desenvolvemento Rural.





DÉCIMO SEGUNDA.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.

E en proba de conformidade de canto antecede, asinan o presente convenio no lugar e data arriba indicado.

María José Gómez Rodríguez
(P.D. Acordo do Consello de Dirección do
21.07.2021)

Carlos Martínez Carrillo

Presidenta da Axencia Galega de
Desenvolvemento Rural

Alcalde do Concello de Vedra





ANEXO I

- Orzamento desglosado

ORZAMENTO		
Nº	Descrición dos capítulos	Importe
01	Actuacións previas	536,54 €
02	Demolicións	1.023,10 €
03	Carpintería, vidros e proteccións solares	1.823,21 €
04	Remates e axudas	1.004,75 €
05	Instalacións	3.226,75 €
06	Cubertas	590,49 €
07	Revestimentos e traslosados	419,01 €
08	Sinalización e equipamento	16.317,50 €
09	Xestión de residuos	165,67 €
10	Seguridade e saúde	103,00 €
Orzamento de execución material		25.210,02€
Gastos xerais 13%		3.277,30 €
Beneficio industrial 6%		1.512,60 €
Total orzamento contrata sen IVE		29.999,92 €
I.V.E 21%		6.299,98 €
Total orzamento contrata con IVE		36.299,90 €

- Descrición por partidas

1.- Capítulo 01- Actuacións previas

- Equipamento e traslado de mobiliario e transporte (camión, peón ordinario de construción e medios auxiliares)..... 536,54 €

Total capítulo 01..... 536,54 €

2.- Capítulo 02- Demolicións

- Perforación de forxado unidireccional de formigón armado con viguetas prefabricadas de formigón, entrevigado de bovedillas cerámicas ou de formigón e capa de compresión de formigón, con coroa diamantada de 172 mm de diámetro, e carga manual de entullos sobre camión ou contedor.....991,92 €
- Revestimento, trasdosados e falsos teitos. Desmonte de falso teito de paneis de labras de madeira aglomerados con magnesita, situado a unha altura menor de 4 m, con medios manuais, provisión do material desmontado e posterior montaxe..31,18 €





Total capítulo 02..... 1.023,10 €

3.- Capítulo 03- Carpintería, vidros e proteccións solares

- Carpintería de madeira de fresno para porta abrisagrada, de apertura cara o interior, de folia oscilobatente.....1.590,07 €
- Vidros laminares de seguridade 4+4 mm, incoloro, clasificación de prestacións 1B1, segundo UNE-EN 12600, fixado sobre carpintería con calzos e selaxe continua 233,14 €

Total capítulo 03..... 1.823,21 €

4- Capítulo 04- Remates e axudas

- Axudas de albanelería para instalacións eléctricas, de salubridade, de fontanaría 660,75 €
- Axudas de albanelería para oficios. Apertura e tapado de rozas con morteiro de cemento, industrial, M-5 en fábrica de ladrillo oco, con medios manuais e carga manual de entullos sobre camión ou contedor..... 344,00 €

Total capítulo 04..... 1.004,75 €

5- Capítulo 05- Instalacións

- Eléctricas, instalacións interiores. Rede eléctrica de distribución interior en local de 128 m² de superficie construída, con circuitos interiores con cableado baixo tubo protector de PVC flexible e mecanismos gama media..... 948,82 €
- Fontanaría, instalacións interiores. Instalación interior de fontanería para usos complementarios con dotación para: lavadoiro, realizada con polietileno reticulado/aluminio/polietileno reticulado (PE-X/Ao/PE-X), para a rede de auga fría e quente.....836,62 €
- Evacuación de augas, derivacións individuais. Rede interior de evacuación para usos complementarios con dotación para: lavadoiro, realizada con tubo de PVC, serie B para a rede de desaugadoiros..... 193,76 €
- Ventilación adicional específica en cociña para vivendas. Campá extractora, con cheminea, con 1 motor tanxencial. Segundo UNE-EN 60335-1, con tramo de conexión de tubo de chapa de aceiro; Sombrerete contra a choiva de chapa galvanizada, para conduto de saída de 150 mm de diámetro exterior en cuberta inclinada con cobertura de tella; Conduto circular de chapa de aceiro galvanizado de parede simple helicoidal, de 150 mm de diámetro e 1 mm de espesor, colocado en posición vertical, para instalación de ventilación.....1.247,55 €





Total capítulo 05.....3.226,75 €

6- Capítulo 06- Cubertas

- Remates, encontros. Encontro de faldón de tellado con chemineas ou condutos de ventilación mediante banda axustable composta por aliaxe de aluminio e zinc e lámina flexible de chumbo natural de 1 mm de espesor, formando dobre babero, fixada con perfil de aceiro inoxidable..... 590,49 €

Total capítulo 06..... 590,49 €

7- Capítulo 07- Revestimentos e traslosados

- Alicatados de baldosas cerámicas..... 339,89 €
- Pinturas en paramentos interiores, plásticas..... 79,12 €

Total capítulo 07..... 419,01 €

8- Capítulo 08- Sinalización e equipamento

- Electrodomésticos: placa vitrocerámica par encimeira polivalente básica..... 1.043,13 €
- Fregadores de aceiro inoxidable e lavadoiros..... 987,64 €
- Mobiliario completo; mesa modular de aceiro inoxidable con estantes superiores e inferiores.....12.339,57 €
- Encimeiras de madeira.....1.947,16 €

Total capítulo 08.....16.317,50 €

9- Capítulo 09- Xestión de residuos

- Xestión de residuos, transporte de residuos inertes. Transporte de mestura sen clasificar de residuos inertes producidos en obras de construción e/o demolición, con contedor de 1,5 m³, a entulleira específica, instalación de tratamento de residuos de construción e demolición externa á obra ou centro de valorización ou eliminación de residuos.....115,16 €
- Entrega de residuos inertes a xestor autorizado. Canon de vertedura por entrega de contedor de 1,5 m³ con mestura sen clasificar de residuos inertes producidos en obras de construción e/o demolición, en entulleira específica, instalación de tratamento de residuos de construción e demolición externa á obra ou centro de valorización ou eliminación de residuos..... 50,51 €

Total capítulo 09..... 165,67 €





10- Capítulo 10- Seguridade e saúde

- Equipos de protección individual: conxunto de equipos de protección individual, necesarios para o cumprimento da normativa vixente en materia de Seguridade e Saúde no Traballo.....103,00 €

Total capítulo 10..... 103,00 €

